

642 . Das vierzehende Buch Petri de Crescentijs/

daß das Thier sich in das nechste Gehölz verschlagen habe / vnd du nicht vmb sonst vnd vergebens die Wildfall richten dörfst/ Wenn du aber den Grundt umbgraben hast/ so soltu einen Schenckel von einem todten Pferd/ oder von einem todten Esel/ oder einem Maulthier / oder sonst ander Luder zu wegen bringen/ vnd dasselbige im Gehölz lassen den ganzen langen Weg vnd Steg/ bis an das Ort/welches du umbgestochen hast / umbschleiffen / darnach aber / wenn man an solches Ort kommen ist/ sol man etliche stücklin vngefehr eines Eys groß auff denselbigen Platz werffen. Weil du aber einem Fuchs / oder einem Dachs/ oder einem Wisel stellen wilt/ so ist gleich gnug/ wenn du allein das vberblieben von der Hennen/ oder sonst was von des Herrn Teller/ nach dem er gessen hat/ auffgehbt wirt/ nimbst/ vnd an dasselbige Ort legest/ oder man mag schwarz geröst Brot nemen/ vñ dasselbig in feistigkeit gesotten/ an das mehrgemelt Ort legen/ darnach des Morgens früe außziehen/ so wirdt man sonder zweiffels das Gelosß des wilden Thiers / so die vergangen Nacht fürüber gezogen ist/ zu nechst an dem Luder ligen finden / mit solchem Gelosß schmire darnach das Seil/ welches du spannen solt. Also pflegt ihm auch der Herr von Moussac/ ein Limonischer Edelmann/ nahe bey Belac wohnend/ zu thun/ er ist aber sehr fürtrefflich in diesem Stück/ die Wildfallen zurichten/ vnd ein sonderer glückhaffter Weydmann.

Das dreyzehende Capitel.

Wie man von dem Wolff Weydmännisch reden solle.



Er Wolff heult / holt gen vnd von Holtz / wirdt Geludert / An-
geäßt / Ihme mit dem Leithund Vorgesucht/ Abbrochen/ Einkreißt / Fürgrif-
fen/ Verbrochen/ Bestetet/ Vffgesucht/ Geheßt/ Gefangen/ Erbissen/ Ers-
würgt/ Sein Haut abgestreift/ Hat Gebiß vnd Klauen/ Läger/ Fahrt/ Ges-
fehrt/ Brunfft/ Wolffen/ Treibt/ Verknüpfft sich mit dem Wolff/ vñ was dies-
sem mehr gleicht/ darvon gnug/ denn ein Schwäker sagt's alles.

Ende des vierzehenden Buchs.

Das